

吳
興
藝
文
補

吳興藝補卷之五十九

目次

吳維嶽

見前

雨後舍中泉水盛流顧而樂之

董用均宗伯貽示買山梅溪之作用韻奉懷

宿山中

春月感懷三首

懷田園三首

茅坤

見前

送沈仲庵還湖中

藝文補

卷五十九 目次

董份

見前

送王侍御南還五首

幽居言志

湖風行

湖上宴別王侍御雜咏六首

秋晚苕溪道中

苕霅道中二首

上巳日逸老堂讌集

初得葛山別業是葛仙鍊丹處

浮玉山夜泊

奉謁兩溪夫子

謁兩溪夫子山莊

陳敬則

良謨子

野田黃雀行

趙金

烏程人

全歸三首

甲寅春見一童引瞽者入市人皆侮之有感而作
以示吾兒

西郊漫興

風波行

過菱湖

郊居

黃雀行

李攀龍

子與至武林

擊鹿行

并引

留別子與

送吳峻伯之楚

峻伯齊寰字

寄題子與使君薜荔園

二首

青蘿館二首

題潘廷尉留餘堂

留子與署中

懷子與

勞別子與

劉夙

晚過湖州

窪罇亭

峴山

王世貞

分守嘉湖道

凌大夫且適園

吳比部范太史邀遊峴山二章

道場山絕頂望太湖

題孺山書屋圖

酌孫太初墓

吳興雜興五首

棲賢別墅

訪子與長興道中

題潘公留餘堂

陸大叅別余與潘中丞登飛英塔

黎惟敬內翰自南海訪余具興登峴山分韻

宗伯董丈枉飲峴山泛碧浪湖時范太史伯楨陳

陳都諫體乾在坐太史將赴召北上宗伯遂成

一章予嗣得其二一用公原韻一用近贈公韻

體乾名行健烏程人

初正答謝江右潘中丞

奉和大宗伯董公返棹之作

峴山有朋壽堂蓋爲大司空蔣公劉公大司寇顧
公築也已巳歲余與吳比部范太史嗣游焉吳
與余俱丙戌范丁亥因題一絕以爲四十年左
證云

楊繼盛

送徐子與審錄江南

馬三才

王鳳洲年丈蒞浙叅藩兼惠近刻奉贈

汪道昆

招章元禮入白榆社

莫如忠

和茅鹿門

徐中行

見前

解郡後明卿遷守樵川貽詩見訊兼有卜居吳興
之物賦此答之

奉題中丞潘時良毗山讀書堂

時良印川字

題劉司空顧司寇張銀臺諸公湖南雅社卷

宋鑒

易程人

遊武康

宗臣

金山篇送子與奉使江南

寒夜過吳峻伯讀其山中諸篇分得天字

伯倫席上遲峻伯不至戲贈

東臯隱居爲子與尊人賦二首

句曲道中值雨時赴子與之約

既別子與憶之

張佳胤

龍骨歌 爲潘時良

陳繡山方伯八十時以二品奉詔存問敬賦十百

二十字爲賀 繡山名應和

王世懋

徐使君子與解郡歸過吳門同家兄元美及諸名
士出送之泛舟石湖分韻作七言長歌得豪字

吳國倫

登湖州道場山望見昆山芝林館奉懷大司寇潘

公

行經潯溪奉懷尚書學士董用均先生

登挑叔度玄覽閣留題

叔度名紹憲長興人

答子與方伯見問

錢鍊

見前

山中雜興

沈節甫

見前

詠懷

別家後述懷

沈桐 見前

送玉東涯

早春奉候董潯陽卽席賦

暇日閱華嚴經

羅汝芳

沈玉陽枉顧 玉陽名子木傲焯父

許孚遠 德清人

過范太史山樓漫題

黃村塔院歸途遇雨宿舟中

范應期

烏程人

贈奉使冊封親藩

閣試

余津

潯溪爲施克廉

名簡歸安人

潯溪漁唱二首

無名氏

南潯祇園寺贈老僧

釋性冲

霅溪道中

項元祺

過碧巖還經湖中瞻眺

沈子來

子木弟

乙酉冬入計道中得家報

赴都勻任泛舟西湖

錢文銘

烏程人

甲寅九月周先之智上從圓證度碧巖

乙卯元日同子瑜宿資福寺

過仲弓山居

種竹

訪董遐周于舟次

沈聖岐

烏程人

吳門逢吳允兆同周本音諸子集范東生園居作
再過仲氏讀書庄居同韓仲弓小集

送員嶠溫少司成之南都五律

端居作二首

送閔昭余出守漳南

卽事送吳公晉

夜聽琴四首

興興藝文補卷之五十九終

吳興藝文補卷之五十九

烏程董斯張遐周彙編

閔元衢康侯參輯

韓千秋聖開增定

雨後舍中泉水盛流顧而樂之

吳維嶽

東入西還出芳泉隣共之未離山下父更屬雨中滋澆
澆循幽砌潺潺落小池一瓢堪取足陋巷有吾師

董用均宗伯貽示買山梅溪之作用韻奉懷

吳維嶽

看山清曉露華侵路入鄞南洞壑深不向丹鑪探大藥

誰知紫綬背初心酒依蘭蕙多香氣琴出松篁少俗音
磊落新篇求友切草堂今許踏花尋

宿山中

吳維嶽

闕耕乘輿踏山梁半畝葵園帶藕塘遂有老僧來進飯
杳然虛室坐焚香雞聲入暮和雲息藥草經春傍水長
夜半小窓蘿挂月自疑身世是羲皇

春月感懷

三首

吳維嶽

茗水花紅春滿城濟南猶落塞鴻聲早教楊柳知人意
一夜關山笛裏生

魚蝦千艇紫菀溪花裏尋源聽早鷄若道浮名非自誤
春鶯只向客窓啼

夜夜夢迴天目鄉覺來鳥雀鳴春堂西湖酒熟正花柳
安得兩山插我旁

懷田園三首

吳維嶽

戴勝催人浴種喧雨天桑柘望晴溫楊花落盡梁禽至
但聽縲車聲滿村

右饑鶯

犂确沙田歲兩收雉雞飛處綠油油清和社鼓村翁醉
把臂斜陽賀麥秋

右藝麥

藝文補

卷五十九

二

明詩

溪谷涼風罅栗房喜供賓客薦蒸嘗燕秦何獨誇千樹
得比侯封是故鄣

右收栗

送沈仲菴還湖中

茅坤

青山驛路夕陽隨渺渺鄉心送故知况我南遷初召後
併若獻賦未逢時論交共對長江水感贈還期芳樹枝
倘得故園秋色在頻將落葉寄新詩

送王侍御南還五首

董份

山木自有枝結交亦有因豈無他人故莫若心所親願
得展婉孌攜手同清塵變故出須臾離別在茲晨如彼

同枝葉一旦東西分與子俱食茶孰知中苦辛含情各
倉卒匪我言所申

將子上河梁河水流瀾瀾蒲葦何靡靡白石何齒齒寧
爲蒲葦枝不作水中石蒲葦相因依石轉無終極客行
自茲始萬里安可卽願保金玉軀慎子馳驅日

平生斗酒樂不知離別苦離人何草草相視各淒楚四
坐屏絲桐肯酒忽不御遊子懷所生居人慕儔侶兩心
同含酸淚下忽如雨

清晨駕出門白日晚以暮何用解愁憂衆賓盈廣坐嘉

義縱橫陳豈不慰情愔低頭私念君結我長思慕傷哉
心踟躕行矣卽長路

紫色易亂朱下里惑陽春微言難可辨所貴聽者真百
家多憤憤願涉大道津鑽木會見火汲井會見深人生
百年期流光如飈塵勉哉崇令德勿爲時所侵

幽居言志

董份

南國有狂士投荒世無憐屏居非自謝顧侶虧周旋鴻
鵠本不遠衆鳥啞孤騫物性各有適志意兩不牽中路
忽進退無常羣所嫌絕引特易事正爾難獨捐嗟子慕

通達告據時顛連云胡已違棄依依望能援詎謂才有
取要是義自賢微衷良不偶感歎情難遷有生射蓬矢
天隅歲空延孱弱懼易朽徒負少壯年明時正更化禮
樂何彬然維新介聖慮萬機方精研遭逢間垂古何幸
今親瞻嘗聞制作理深仁兆其先垂紳拱玄嘿百職司
存焉淳風在厚養精神用匪偏昔人專擇任得一萬乃
兼願言臻至治行慰溝壑填居卑事易忽地遠嗟誰宜
職當樂幽居勿使外好纏至樂理無擇靜觀得所恬深
春萬物熹媚我以衆妍閑門晝寥寂頽然對楹軒林鳥

聲屢變悠悠與化參我心不自知借爾代我傳天機在
耳目冥莫未能言采真足自老此意君勿誼

朔風行

董份

朔風萬里冲雲霄赤日光撼崑崙搖天河翻水入柱撓
地輿震軸萬竅號飛石走瓦不可數豺狼虎兕乘時嗥
叱咤小物美造化壯士側立首重搔出門三匝勢阻隔
歸來憶昔江之臯乾坤建極有常位江海底定無波濤
按劍獨坐神自足對壁寂靜氣歛豪把柄在手事特易
立命由我天何勞人生得失等羽毛壯士亦未終蓬蒿

莫以窮達觀吾曹

湖上宴別王侍御雜詠六首

董份

峴首初開宴臨流共舉觴山川一爲別雲樹曖蒼蒼歸

騎嘶天上攀轅擁路傍他年懷德政何似在襄陽

右登峴山

湖內一卷石誰言經幾秋卽從波浩蕩不與水沉浮俯

檻親魚隊張筵接釣舟君才同柱石好去砥中流

右登

浮玉山

日出道場峯憑高望不窮萬家秋色裏一郡曙烟中未

黍村村熟川墟處處通坐來天更淨鷹隼擊長空

右登

道場山

說法有高臺僧今安在哉
邇聞豺虎伏端避豸冠來鼓
震千峯動旌搖萬壑開
不知君別後誰與上崔嵬

右登伏虎臺

霽月正初上陰雲忽復開
流光逼清漢何處有纖埃
霜共山城淨星從斗極回
羣鳥方起集疑是在西臺

右前山道中對月

山道中對月

冠蓋飛朝日軒牕忽晝陰
秣緣雲出岫遂見雨成霖
綠野隨車潤清流入澗深
願留膏澤意長慰黍苗心

右歸

雲菴中對雨

秋晚苕溪道中

董份

深秋復晚行，蕭索倍含情。
野樹停烟色，清江度雨聲。
山鐘傳杳靄，漁火起微明。
一泝孤村裏，寥寥寒雁鳴。

苕霅道中二首

董份

東發正聞雞，輕舟過霅西。
曉山方吐霽，秋水欲平堤。
嵐翠浮緹幕，波光上練衣。
樵歌并漁唱，合響滿幽棲。
一放苕溪棹，來從田野間。
黃雲千頃稻，青靄萬重山。
秋草客行路，夕陽人閉關。
悠然看孤鳥，飛往復飛還。

上巳日逸老堂讌集

董份

身繫中朝二十年歸途上巳艷陽天拂衣幸入香山
會修禊重開曲水筵檻外晴花供送酒林間春鳥和調
絃人生佚老知能幾塵世浮名詎足憐

初得葛山別業是葛仙鍊丹處

董份

雞鳴客館曉寒侵早昇簾輿野興深買得一山稱小隱
薄遊五嶽是初心地傳勾漏成丹處人擬蘓門度嘯音
若道長生真可學洞中石髓正堪尋

浮玉山夜泊

董份

浮王浮屠百丈浮月移峴首帶滄洲魚龍穩卧寒潭夜
鴻鵠高飛碧漢秋北極星辰懸萬里南中山水在孤舟
蘆間忽有漁燈出鐵笛橫吹江岸頭

奉謁兩溪夫子

董份

路轉溪迴別有天先生歸卧幾經年身棲萬壑秋雲上
名在諸公月旦前世慮總歸杯酒外日長都盡奕棋邊
卻憐深閉閑門處獨許侯芭問太玄

謁兩溪夫子山莊

董份

早歲文章動紫宸滿朝猶識舊詞臣蓬萊侍從非無路

林篁棲遲合有人道與烟霞開此界身如鸞鶴出風塵
坐中尚有憂時志未許東山蘿薜春

獨向幽棲築此臺林園處處足徘徊塔前澗水雙池入
閣上山光四面開隱几閒雲歸遠樹閉門野鳥破荒苔
世間仰止高風地幾向清霄首重回

野田黃雀行

陳敬則

黃雀下野田跳踉啄其禾不虞少年子田間正張羅雀
墮羅中哀鳴磬磬我甚微細不充君庖東林有巨鳥時
集蒼山均曷不往捕彼而但規我曹少年笑對黃雀嗟

嗟爾胡弗思彼巨鳥者飲沉瀝餐靈芝怒卽冲天飛縱
有矰繳令我安得施黃雀聞言歛翼就死寄聲朋儕禍
禍由已

全歸三篇

有引

趙金

余讀傳至曾子曰身體髮膚受之父母不敢毀傷又
曰父母全而生之子全而歸之子嘗佩服斯言深思
曾子之所以克全是者蓋臨深履薄之學所至耳是
可易言也哉予時年七十暇日偶檢所藏齒牙爪髮
三事淨滌而囊之他日爲殉葬之具復各賦一篇以

示見藻藻當爲我謹加什襲以送終焉噫雖不敢如
曾子之踐形唯肖庶幾盡我全歸之意云

憶昔髫年時嘗記齒初亂歷歷真牙生蔬食藉以進邇
來筋骨衰齒牙播且振朝夕學種之種之惟自慎餘齡
已七十踈豁落殆盡萬物有消長死生當委順

右齒牙

十指之爪乃筋之餘搔彼白首藉爾爬梳一彈指頃歲
月其駛時或蛻之式用燕只嗟嗟此爪我心不違他日
觀化亦從而歸

右爪

朝梳暮梳白髮滿首一朝禿盡真成老醜藏諸囊中括

之無咎天地一毫惟我所有人言白髮公道不負我將
全歸其顏何厚 右髮

甲寅春見一童引瞽者入市人皆侮之有感而作
以示吾兒

趙金

人見無目人羣然怒而詈我念無目人猶能不自棄談
星兼賣卜得錢了生事海上多風烟民苦征役累翻憐
瞽者爲閒居獨高致吁嗟青年子宴安樂所嗜不學心
聾盲徒爾費指示論道常解願蚩蚩若昏聩戒爾當自
新勿與聾盲類

西郊漫興

趙金

感慨青春歸寂寞西郊曲雨洗林花空風吹溪樹綠杖
藜信足去閒雲遠相逐野人具櫻筍一笑慰幽獨

風波行

趙金

朝隨風波行暮隨風波宿我心無風波風波自相逐

過菱湖

趙金

去去餘不路遨遊一問津村孤船作市地絕水爲鄉菱
藕官租足魚鰕野饌新衆山遙映帶相對碧嶼嶠

郊居

趙金

自愛閒居卜近郊，獨將心迹寄衡茅。
桃花水泛魚吹浪，芹草泥香燕補巢。
雜植桑麻供國稅，細分杞菊入山肴。
平生方外誰爲友，冷澹雲霞信可交。

黃雀行

趙金

西風蕭疎蘆葉黃，野雀啁啾秋日蒼。
啄啄湖田飽稻梁，四方何事虞羅張。
眇哉愛爾披綿肪，朱門一筯秋盃香。
何不羣飛入我幕，作羨聊奉高堂樂。

子與至武林

李攀龍

良時能自至，嘉會無常期。
長飆吹浮雲，奄忽東南馳。
依

侯曳景光泠泠發餘悲非君命儻匹游子安可爲大江
折其流武林愴以摧念今在往路執手野徘徊何必同
一身中懷貴不疑彈冠有逸響駕言卽前綬

擊鹿行

并引

李攀龍

余往與王生過子與見伏鹿於庭戲相謂曰余將攜
徐夫人七手刺此鹿麋腊之也生豈不願爲我掎角
之哉又與王生過子與則子與刺殺此鹿食王生旣
而宗生亦至相與批脯飲也亦大豪舉哉乃各賦擊
鹿行壯之云

徐卿意氣殊不偶，買鹿百金求其牡。華堂燕客忽自放，
醉把邛鄜鐵匕首，須擬麟從帝數游。未聞鹿觸匈奴走，
高材吾黨復誰過。文章矯矯驅群醜，失日難將四海求。
逐來定死諸公手，毛漉旋疑霜雪寒。角摧更見珊瑚朽，
王郎大叫奉銅盤。接飲其血軟以酒，顧我前呼歷下生。
與君相愛爲君壽，舊時疾足君能否。安得新詩滿人口，
須臾碧眼胡兒至。落碁脯腊無不有，下箸已畏翠釜空。
纖羨更出青閨婦，衆看枳上肉如陵。覆蕉尚在隍中守，
嗟乎曲士夢何久。徐卿獨醒可與友。

留別子與

李攀龍

從君幾醉燕京酒，舊遊花月回白首相看零落眼中人。
二子河梁重攜手，憶昨青山坐西署。于今此事成不朽，
交態蕭條爾自諳。浮名慘淡吾何有，爭道賢豪擁上林。
華陽臺館盡黃金，長卿詞賦徒壁立。勞情佯狂合陸沉，
平生得意向知己。常將顏色當同心，北望諸陵一拊髀。
悲風千里來寒陰，春草如雲覆四野。我行逶遲五其馬，
十載爲郎願已違。出門况復悠悠者，漢臣猶未老馮唐。
每飯豈忘鉅鹿下，歲晚江湖夢獨遙。秋深鴻雁書堪把。

送吳峻伯之楚

李攀龍

才子風流滯禁林，傳經海岱主恩深。
諸生自紀銜魚事，千里誰知相馬心。
王氣日隨江漢轉，方城春壓洞庭陰。
憐君宦跡偏形勝，四十叅藩豈滯淫。

寄題子與使君薜荔園二首

李攀龍

太守爲園自一丘，遙看薜荔接滄洲。
醉來忽下湘君淚，賦罷深知楚客愁。
黯淡欲飛天目雨，蕭條猶帶洞庭秋。
惟應日共蓬蒿長，安得聊從仲蔚遊。

老蔓成帷網四隣，紛紛落葉雪溪濱。
嬋媛初服能無客

窈窕空山若有人
楊柳摧殘彭澤隱
桃花俗殺武陵春
獨憐遠道難爲理
欲采何由寄所親

青蘿館二首

李攀龍

十畝青蘿別館開
使君延眺意悠哉
風搖北渚清陰合
煙雜南山黛色來
臺敞高秋深染翰
庭虛斜日淨銜杯
西隣榮叟常還往
帶索應同薜荔栽

湖上高齋此一時
垂蘿四面繞茅茨
欲令何處紅塵入
可道窺人片月疑
色借古松成遠勢
意含幽石有餘姿
空傳蔣詡開三徑
不遇裴羊那得知

題潘廷尉留餘堂

李攀龍

前朝知政四留餘，廷尉爲堂取自書。
潘令官銜猶散騎，于公門第早容車。
法星傍斗懸高座，佳氣如雲護直廬。
海內稱平逢此日，主恩先已未應虛。

留子與署中

李攀龍

杭城落月早潮生，憲府松杉風亂鳴。
伏枕待三從，劾免移文滿百不留行。
何人更許彈冠會，唯爾還堪倒屣迎。
十載寒溫無長物，一時出處有餘情。
酒斟白玉吳姬色，賦擲黃金楚客聲。
大抵冥鴻心自遠，曾來老驥氣難平。

浮雲在昔懸秦望北斗依然捧漢京吏挾江湖總是傲
交論冰雪未爲清官聯西省開題柱家本同鄉見請纓
誰似兩朝銜寵遇他如群少失縱橫樽前且抗持螯下
世上空傳染翰名須聽松杉風再起晚潮乘月到杭城

懷子與

李攀龍

青山忽送七閩秋大海遙連百粵流落日孤城風雨合
褰帷何處不堪愁

勞別子與

李攀龍

武林山對海門開不枉登臨酒一杯十載故人零落盡

有誰還爲渡江來

晚過湖州

劉鳳

江深花氣重城郭舊過從
掩岸當春少孤舟到夜春
鳥親偏狎浪雲散不歸峯
若是逢相問飛沉詎可蹤

窪鑄亭

劉鳳

石芝醞神醴欲飲方自怡
澹薄似無旨眷戀發沉思
懽暢願終已榮名安所爲
飄風視二豪目醉不足疑

凌大夫且適園

王世貞

爲園何必廣聊以答吾寄
勝從蘋洲采嫩許薊林燒
水

石有真色桑榆信所植好雨東南來百卉欣自媚時禽
宛宛鳴儵魚悠然逝念彼非有托叶此成偶契谷愚豈
真徙河清焉可俟尺鷃與雲鵬逍遙不相倍有待終愧
煩無營乃爲貴

吳比部范太史邀遊峴山二章

王世貞

吳興峴山色不減襄陽紫氣餘清和候人是東南美亦
有鱧頭鱸佐之若下醴炊烟隔嶺出漁唱菰蘆起醉謂
故所知何必羊叔子

改席延緒颺披襟向晴昊日染餘不水烟平浮玉島顧

見青芙蓉了了透蘋藻季重追舊歡巨卿吐新好勿云
典易盡新月在前道

道場山絕頂望太湖

王世貞

危閣聳層巒松濤五月寒太湖十萬頃斜浸碧欄杆
杯中映瀉汨檻外騰超忽迴光競千鬣窮島迫一髮青天
不道向外生白日如從此間沒三萍漸近三餘皇便欲
呼之汎渺茫縱然未入林屋去且指包山尋故鄉

題孺山書屋圖

王世貞

石田老人富丘壑湖雨嵐烟筆端起江南佳麗到不
乏

吳興諸山若個是書聲
雜出飛瀑外高枕時橫白雲裏
人云絮酒來南州此山名
雋成千秋尚書讀書此山頭
書成出柱中原天歸來顏玉樹腰圓水心不愧南州賢
南山住山俱偶然有足肯踏終南顛

醉孫太初墓

王世貞

死不必孫與子生不必父與祖
突作憑陵千古人依然
寂莫一杯土道場山陰五十秋
那能華表鶴來游君看
太華蓮花掌應有笙歌在上頭

吳興雜興五首

王世貞

倦骨風流減清時月旦新湖山堪卒歲索牘動移旬拙
宦甘除目虛明苦趁身此方色猶菜忍說郡厨貧
接天惟白水不枉喚湖城桑月宴遊少茶山租稅輕秋
水淪蓴菜晴雪鱸鮑羨出入青油舫真成盡裏行

吳興古名郡宦路亦清幽茗冷尚書社蘋稀刺史洲地
偏朝事絕俗美寓公留獨愧烏程酒虛名似督郵

舊事停車得遺風掌故傳魚租釣臺渚火耕膠山田烏
鬼秋常放蚕姬夜不眠唯慚訟庭內不得施蒲鞭

寄語諸卿曲清貧好自誇山田供老母月俸上官家蕩

口攜來酒天池寄得茶止羸君峴勝飽看不爲奢

棲賢別墅

王世貞

一噉棲賢笋能令齒舌芬穉龍留付雨稍鳳盡于雲念
欲同清隱誰能無此君長鑿白木柄自與鹿麕群

訪子與長興道中

王世貞

客路逢秋倍可憐布帆如練掛蒼烟綠醞若下堪蒲盞
紫蠡湖頭不論錢千里敢言中散駕百年差勝子猷船
懷賢徙倚孤吟發句就人間懶向傳

題潘公留餘堂

王世貞

中丞卜築雪川陰蘿薜春深好易尋長將不盡還天地
別有無窮待古今門可容車寬自得庭堪旋馬意何深
江湖摠是相忘處知爾元無竭澤心

陸大叅別余與潘中丞登飛英塔

王世貞

招提只在白雲封絕頂峩望莫從忽有丹梯通箭括
還如玉井護芙蓉菰城午色烟爭裊茗水春流雨自重
可道諸天無別思愁君明日度千峯

黎惟敬內翰自南海訪余吳興登峴山分韻

王世貞

爲具青山莫厭貧天涯驚見賞心人還將溫室中郎樹
來味吳興太守蘋雪水遠拖雙帶玉何峯斜抹一鉤銀
明朝塵世應誇取未必蓬萊事事真

得蘋字

峴山亦是關情地屈指從君話舊長此夕梅花辭大庾
十年秋雁隔清湘應徐筆底多陳迹吳粵尊前暫一鄉
披蘼爲磨方石在祇憑詩句敵襄陽

得湘字

宗伯董丈枉飲峴山泛碧浪湖時范太史伯楨陳
都諫體乾在坐太史將赴召北上宗伯遂成一章
予嗣得其二一用公原韵一用近贈公韻

王世貞

諸賢名價重南州
峴首吳興亦勝遊
痛飲爭呼明月至
狂歌欲斷彩雲流
那知碧浪重湖夜
別作金臺萬里秋
我是安期饒落穆
過江今日始言愁

承明促入舊仙班
此日鷹舟尚許攀
返照只看歸鳥樂
臨風仍羨去鴻閒
夕郎高議傳青瑣
學士清盟向碧山
獨有周南留滯客
懶將秋水照顏顏

初正答謝江右潘中丞

王世貞

宦跡流年已併除
詞腸酒態未全虛
山南東道初辭節

江右中丞再寄書文錦細盤銜草鶻紫瓊新鱸帶冠魚
莫驚廷尉門猶暖自是交情古不如

奉和大宗伯董公返棹之作

王世貞

初疑興盡子猷還咫尺清茗未可攀日暮碧雲離合際
江秋紫氣有無間勞公郢里歌中雪念我祇園夢裏山
莫笑野人虛擁篲至今猶自掃柴關

岷山有朋壽堂蓋爲大司空蔣公劉公大司寇顧
公築也已巳歲余與吳比部范太史嗣游焉吳與
余俱丙戌范丁亥因題一絕以爲四十年左證云

王世貞

霜色兼葭鬢，共新倚來雙玉。暫精神還應四十餘年後，朋壽堂中第二人。

送徐子與審錄江南

楊繼盛

寥落雲司庭半虛，有功此去更何如。西臺月下幽人榻，南國星隨使者車。寒雁不堪雲暝夕，秋風况是葉飛初。秣陵若遇相知問，爲道踈狂病未除。

王鳳洲年丈蒞浙叅藩兼惠近刻奉贈

馬三才

不獨重逢劫火餘明珠一擲喜何如直將西漢以前筆
還著東山起後書魏國山川看動色吳鄉霖雨聽隨車
塞帷十二橋初遍未入題評摠是虛

招章元禮入白榆社

汪道昆

江關夏水含啼鶯百丈東來帶杜蘅碧浪潮空風挂席
白榆社僻雨連城千年蛟室傷心淚一代牛刀執耳盟
久客不妨旬日飲相逢總是布衣情

和茅鹿門

莫如忠

爲憶青門隱相將白首歸心期垂老見音問隔年稀新

草能傳賦殘荷好製衣思君烟樹澗獨立倚斜暉

解郡後明卿遷守樵川貽詩見訊兼有卜居吳興
之約賦此答之

徐中行

遷客春回卧五湖故人亂後始分符擔簦謾惜虞卿老
托乘翻憐季重孤病後形容滄海駐狂來詩句白雲扶
懷子賸有葺鱸典已向烏程覓酒壚

奉題中丞潘子良毗山讀書堂

徐中行

柳暉臺高挿斗墟安仁賦就興何如浮游且放鷓夷棹
䟽鑿曾傳禹穴書莫怪客星辭帝座從來仙侶好樓居

明朝結社菰城畔不忝青山兩鹿車

題劉司空顧司寇張銀臺諸公湖南雅社卷

徐中行

天外群星聚昭回破寂寥陸沈曾道路雲卧此山椒
闕世滄桑盡迹名海嶽遙一丘堪白首萬事有清朝
地右烟霞老亭空薜荔驕采芝從綺季斲藥問松喬
枕裏藏鴻寶樓前度碧簫人齊大羅隱賦竝小山招
長嘯驚天目高風失斗杓却慚黃綬厚猶負赤松邀

遊武康

宋 鑒

自入封禺境居然見古風行歌牧犢子簷曝被裘翁野
卉輸官賦山蠶課女紅他年遂高卧避地此丘中

金山篇送子與奉使江南

宗臣

昔日秦王鞭石過東海大者並立小者卧東風一夜拔
扶桑片石怒走江中坐千年海若呼不回一線滄江從
此破滄江之水何處來瀟湘洞庭蒼梧開驚濤巨浪幾
萬里排空拍斗如奔雷吁嗟此山何雄哉白日不動天
崔嵬下攬吳越荆楚之秋色上標鍾山渤海之朝虹奇
峰三百倒懸水青楓碧樹搖玲瓏金刹瓊宇不知數一

一亂揮馮夷宮有時鼉鼉逐麋鹿鎮日魚鱉追鳶鴻忽
然相遇不相識莫不駭訝狼藉號天風白日滾滾去不
窮明月復爾臨高空萬頃珊瑚碎江水鮫人龍女紛然
起以手提之不可得嫣然一笑滄江底怪龍忽上崖頭
舞似聽山僧讀禪語龍珠上與月華爭明月不得復爲
主當時赤手縛龍珠夜半空江驟風雨一自此龍失其
珠日日江頭怒且呼金山晝夜叫猿鶴丹陽南北愁菰
蒲徐卿仗節往三吳渡江先上金山途江中恠龍遠相
避山前明月高自孤妙高亭上千江秋千江直與天門

浮峰頭明月能我留與卿同爲汗漫遊上令星辰不敢
收下令江海不敢流龍兮龍兮遁去不知幾萬里卽有
明珠還自投金山金山慎莫愁

寒夜過吳峻伯讀其山中諸篇分得天字

席上賦

宗 臣

北風吹折西山巔長安有酒斗十千下馬逢君輒成醉
北斗倒插闌干前主人爲我開瑤編讀之一一山中篇
滿地龍涎走白石四壁紛紜行紫烟天目之峰幾千萬
忽然竝掛金華箋冷冷屋上鳴飛泉滾滾盃中注百川

使我對此心茫然當時我有百花洲垂楊十里滄江邊
織女爲我栽白榆太乙爲我栽青蓮狂時上抱明月舞
醉來忽枕浮雲眠有時赤脚踏龍淵蛟龍窟宅時時遷
只今一別三四年風塵車馬徒相牽梅花歲歲怨其主
芳艸日日私自憐欲歸不歸誰之愆何時與君同上江
門船二十四橋歌嬋娟直從白浪尋青天千秋萬載凌
飛仙

伯倫席上遲峻伯不至戲贈

宗臣

銀河凍裂明月哭君初得抱浮雲宿我遣明月坐君屋

屋下浮雲亂相逐縱有仙人渡銀河明月不出君柰何
爲君呼月還上天君胡不來愁嬋娟

東臯隱居爲子與尊人賦二首

宗臣

一逕斜臨水長汀曲抱沙古來鴻鵠侶霄上白雲家種
橘開新溜尋芝數落霞武陵溪不遠石壁有桃花

亦抱杞人念其如茗水幽手攜青玉杖坐老白蘋洲萬
象秋如滴群峯日亂流太湖三百頃處處不驚鷗

句曲道中值雨時赴子與之約

宗臣

少文自昔耽卧遊徐卿東來何所求穿雲漱石不知暑

碧艸青蘿今始秋大風欲拔衆山去驟雨如決千江流
明日峯頭弄笛者高歌能不生我愁

既別子與憶之

宗臣

華陽日日醉不醒華陽一別天冥冥眼底烟雲失萬象
向來風雨迷千靈捫蘿到處坐石壁走馬忽然開翠屏
江國美人去已遠誰與玩此芳艸青

龍骨歌

張佳胤

潘時良爲少司空屬淮揚大決潘公奉命往塞之
功成獲龍骨獻于朝晉官保大司空索不佞作歌

縣官外府東南州漕艘歲歲淮安流鴻水突決弛延道
齧桑四望天相浮平沉盡作魚龍宅汜濫時厯宵肝憂
疇咨四岳寄邦土僉曰司空才最優司空生長本吳越
秘圖宛委曾探謁銜命乘橈入射陂腴胝參身洪流竭
投璧沉馬瓠子歌拳茭捷石陽侯窟隄盤虹影稱黃金
槎泛銀河凌海月鞭起蛟龍不敢藏各抱驪珠走溟渤
蛻將白骨照滄波觸之尚恐風雷發神物那可留人間
瑤函歸獻雙龍闕君不見蒼牛闔死馮夷哀龍首拾得
商顏頰支祈鎖定龜山隈宣房官開萬福來乃知自古

勛業歸豪雄玄圭告成協 帝衷誰纘禹績光黃熊淮
沂作又潘司空不信請看專車之骨登紫官射江亦偶
爾擾豢難爲工河渠著書垂汗簡响嘍片石磨蒼穹

陳繡山方伯八十時以二品奉詔存問敬賦一百

二十字爲賀

張佳胤

紫氣纏天目靈源到海隅青環門外柳白賦谷中駒松
菊通孤徑烟霞長五湖問年方夢獵托興久思鱸一詔
恩波濶三尊物望殊鄉評高月且天問及菰蘆擊鞞犀
能綰緋衣鶴欲呼飯同廉奧徒名與太丘俱華胄鳴珂

里仙風海嶽圖龜齡那可卜鳩杖不須扶九老爭傳像
雙輪已藉蒲明堂如割袒舊德似君無

徐使君子與解郡歸過吳門同家兄元美及諸名
士出送之泛舟石湖分韻作七言長歌得豪字

王世懋

汝南太守賢且豪倦遊便欲歸林臯漢灑雖能艸循吏
楚狂未可輕吾曹鳴榔五月下閩闔期我共泛芙蓉舸
吳下諸山勝誰絕石湖南來風景饒迴波冲融山色動
陟壑岌業松陰高列峯襟抱望不極水面忽出雙蘭橈

中流長風聲怒號俄頃萬玉堆波濤狂飈颯颯吹布袍
赤日黯黯不得驕使君此時正神王舉手欲釣任公鰲
吾兄叫絕浮大白諸君一一誇霜毫君不見畢生狂飲
持蟹螯壺中有酒名可逃江湖萬里落吾手詎可屈詰
令心勞石湖之傍差足老使君慎勿輕蓬蒿嗚呼使君
慎勿輕蓬蒿

登湖州道場山望見昆山芝林館奉懷大司寇潘

公

吳國倫

避人來訪道場山雙塔高低萬樹間朱艸室懸昆嶺絕

白蘋洲遠雪溪灣，但將水石禪僧共。那得雲霄地主還。
入夜歸帆千里夢，直隨明月到燕關。

行經潯溪奉懷尚書學士董用均先生

吳國倫

楚客蒲帆震澤來，南潯甲第錦雲開。懸輿萬木尚青里，
載筆千秋太史才。卧穩客星成水石，丹還紫氣結蓬萊。
經過不淺追趨意，病骨龍鍾儻見猜。

登姚叔度玄覽閣留題

吳國倫

美人能習靜，築閣小堂西。案貯窪樽石，軒憑罨畫谿。春

山雲氣合芳樹井烟齊客至耽清賞都忘白日低

答子與方伯見問

吳國倫

一騎山中問掛冠林扁初啓石蘿寒蛾眉老盡難銷妬
鳥道歸來始就安八月芙蓉初雜佩三湘雲水狎漁竿
廬峯九疊蟠江介那得同君倚醉看

山中雜興

錢 鎮

當午炎氣薄煩溽困不舒披逕啓荆扉巨樹奇華滋祥
鳥藉麻蔭宴無畢弋虞水面微風至荷香與之俱心曠
暑不侵况茲值良颺余心久投械鳥巢可俯窺異類尚

爾馴何用多疑爲

詠懷

沈節甫

無衣紉秋蘭無食餐朝霞由來松柏姿肯學桃李花桃李不冬妍松柏鮮春葩物性有貞獨人情愛芬華赫赫雲臺彥豈問青門瓜客星繼一耀還上桐江槎邈哉柱下史遊跡于流沙

別家後述懷

沈節甫

弭蓋俄驚春事更揚帆又過闔閭城自緣朱紱驅行役
枉使青山費送迎某水某丘耕釣伴一談一笑歲時情

田家萬事堪思憶金馬空傳避世名

送王東涯

陽明高弟子
心齋公之子

沈桐

身世駛隙駒斯道無終窮紛紛百年內奔馳空西東卓
哉山陰叟示我真叅同奈何假道者竊美迷其宗靈明
信天啓拂拭頽人功毫釐或有違千載成冥蒙念子賢
者後至理早已融譬彼三世醫指授寧無從金陵多少
年矯矯猶群龍接席尚未爰言別何匆匆秋風吹白楊
送子憶萬重再來慎勿暮桃李候春紅

早春奉候董潯陽卽席賦

沈桐

已從綠野賦歸來，更築行窩傍水隈。
捲盡雲山臨几席，繞隄烟樹隱樓臺。
楸枰乍試鶯聲囀，午篆初消鶴夢迴。
珍重晉公林卧穩，莫交文象動三台。

暇日閱華嚴經

沈 炯

寸心卽是善知識，改過真成方便門。
塵慮忽消菟夢斷，華嚴還合是長言。

沈玉陽枉顧

羅汝芳

嵐光林影翠紛紜，秋色山中月正殷。
五馬旌旄行捲霧，半空樓閣坐看雲。
香浮瞿袖青蓮社，霞襯姑仙紫玉裙。

况是清平調歌管不妨尊酒對晴曛

過范太史山樓漫題

許孚遠

萬山飛翠處清絕范公廬晏坐春雲滿高吟夜月虛
有花常照眼無水不成渠色色天然意人間盡不如

黃村塔院歸途遇雨宿舟中

許孚遠

山行雲氣滿羅衣忽向黃村失翠微自愛良朋五湖集
不妨夜雨一簑歸身隨鷗鳥眠俱穩歌發陽春和更稀
賸有漁燈破清曉蒼烟白露共依依

贈奉使冊封親藩

闕試

范應期

驂驪歸騎帝城東，玉氣晴開使節通。
孤劍馬頭懸白日，雙旌柳外拂長虹。
書銜紫禁龍章渙，月落黃河樹色空。
聖旨明光勤顧問，陳詩還自有幽風。

隣溪爲施克廉

余津

汎濫從天目，清流溢四谿。
高人無俗想，大姥此幽棲。
生事憑漁釣，雲霞縱品題。
青篔深歲月，白髮友鳧鷖。
水檻魚知樂，松舟路不迷。
庭花分水映，汀柳拂簷齊。
未必誇王翰，由來勝漢西。
價高逾百萬，地靜寡輪蹄。
菱芡克盤采，蒹葭接稻畦。
真成機事息，鷗鳥未須疑。

潯溪漁唱二首

余津

溶溶流水曲溪晴兩岸桃花溪上生楊柳拂頭推不去
黃鸝連叫兩三聲

蔡蕩天孤碧四垂雨晴正好放鷗鷺沿湖十里錦雲爛
紅藕花香拂面吹

南潯祇園寺贈老僧

關文

無名氏

清溪通笠澤地以水爲鄉竹青三日雨僧白一頭霜

雪溪道中

釋性冲

我欲尋湖勝乘閒渡雪溪水平天上下山路險高低郭

近烟連陌莎長綠遍堤呼童問行徑指我石橋西

過碧叢還經湖中瞻眺

項元祺

舍策疲登頓遡榜擊潏潏鵠翔方出浦雲邁已辭山洲
島屢經復在葦相周環延緣湍瀾際超忽中流聞右盼
沮江浙左睇控荆蠻臨深旣底定習坎何險艱潛光拾
水碧幽芬握春蘭冷風順遙薄明月照澄灣水泄宛可
即彼美將焉攀姑酌一杯酒且取永日間詎謂耽荒樂
流竟未還

乙酉冬入計道中得家報

沈子來

言二不
卷五
三十一
匹馬蕭蕭向 帝京鄉書千里九愁生堂垂鶴髮瞻雲
意路轉羊腸此馭情日月漸侵雙客髮乾坤空寄一浮
名殷勤欲報南來使惆悵梅花折未成

其二

數行泪墨展猶新回首關山一愴神家在夢中驚始到
人從天外忽相親歸鴻度雪鄉心劇立馬浮雲客壑頻
最是含情無限處却羞微祿涉風塵

赴都勻任泛舟西湖

沈子來

勝槩今初見芳名自昔傳山環十里水柳鎖六橋烟鳥

語秋連樹漁歌月滿缸當尊開旅抱長嘯思悠然

甲寅九月周先之智上人從圓證度碧巖

錢文銘

共策看山興登登山欲危晴雲天際想深壑窅然疑徑
轉幽無了岩開石半欹太湖剛在目影瀉碧巖垂

乙卯元日同子瑜宿資福寺

錢文銘

漸作依山計逢僧卽是家山前供佛日世外閱年華卜
歲人如舊疎梅已放花我生隨物性何處不天涯

過仲弓山居

錢文銘

水盡行深麓晴雲護鹿門萬山供隱几千挺日臨軒出
處亦同趣詩書得晤言因知空谷裡今夕可相存

其二

一往入山癖山空癖有餘聽松風力勁編竹月光虛靜
對如觀我忘玄亦著書古人真用足吾已賦閒居

種竹

錢文銘

蕭蕭疎節映若勝有名花幾聽虛生籟千尋月照斜露
垂初漾日風舞不飛沙羽括通天力閒君佇歲華

訪董遐周于舟次

錢文銘

對客如山霽逢君入市稀岸舟侵浪定詩意落杯微思
遠名逾集栖深病亦肥未能酬夙昔風雨遽言歸

吳門逢吳允兆同周本音諸子集范東生園居作

沈聖岐

伊余寡懽暢朋好恒遠離遠行倏以歸况非意所期寧
慰昔契闊但訴茲晤奇各各陳胸懷有懷常若斯誰嘗
九秋月層臺歷高危軒眉侈儔侶鬱鬱青霞姿主人洽
吾好列炬催華卮止酒不止飲常恐飲者疑使我發深
趣百醖不復辭清歌鬯林樾沉醉忘心知酒熱臨前楹

霜月披梧枝，娛此池上影。還照髮邊絲，少壯亦已遷。旅食安所爲，醉後展相憶。君歸抑何遲。

再過仲氏讀書庄，居同韓仲弓小集。沈聖岐。

經時常避客，客至每夷猶。復我蕩輕楫，共君聞野謳。斷霞紅豁雨，高樹碧臨秋。幽賞非徒者，居然負一丘。

送員嶠溫少司成之南都五律。沈聖岐。

童子論交三十年，賢甥似舅復聯翩。國人矜式吾茲羨，宅相真成世所傳。舊日朋游皆北面，一時文戰有中權。可思修竹山窻下，相對寒宵擁褐眠。

割青亭上玄武波齋閣參差水樹多
曉帳橫經深雨露
秋窻讀易長煙蘿
頻年鷗海盟難定
一日鴻逵羽若何
處固無心出有爲
應知王略在編摩

辟水滌紆面面通
陪都禮數特優崇
門徒惟識陽城教
胄子先論典樂功
集泮飛鴉音自好
談經五鹿角誰雄
君行萬里烟霄路
只在宮牆數仞中

誰是知津却問津
回瞻林鹿自甞甞
君真特達圭璋者
吾乃嶽嵴歷落人
清世英雄猶有恨
舊京車馬豈無塵
好將壯盛酬明主
蚤共煙波理釣綸

雖筵殘月夜盈盈，飄底秋晴去鷁輕。昔以長饑縈綬冕，
今從小草戀平生。牽裾未了斑衣慕，投壁偏慙白水盟。
莫向天涯頻屈指，秣陵雲樹總關情。

端居作二首

沈聖岐

曉睡初酣几閣清，偶然因病罷將迎。芳時載酒嗟無暇，
壯歲耽詩苦未成。階下怒蛙聲亦噪，桐梢栖鳥去還驚。
幽人眼底渾多事，自向前溪看野晴。

柳烟麥雨弄秋顏，祇爲踈慵戀故山。收得醫書須遍讀，
種來庭樹未經刪。清言無益寧亡國，濁酒雖荒不礙閒。

有客向余籌出處爲看青鬢幾絲班

送閔昭余出守漳南

沈聖岐

閩南分虎三千里茗水鷄鳴二十年別後相思夢何處
刺桐花裏海雲邊

卽事送吳翁晉

沈聖岐

百丈飛絲曳柳花青春欲暮惱還家揚鞭忽墮鳴笳下
一笑嘶停白鼻騮

長板橋頭桃葉津那知此地別情新誰言御苑花無艷
領略東風亦苦辛

寶絡蘭纓塞上來酒腸舞態一時催
長安俠客知多少箇箇看君行雨回

欲唱尊前蘇幕遮因憐玉指掩琵琶
郎心若爲吟詩醉何惜春風醉妾家

新梳薄髮怨篋篋昨日當筵拜小侯
一自九郎觀舞後爭來屏裏贈纏頭

曾醉城東芍藥叢沈郎腰骨半春風
今君輕別我空住落盡梨花荳蔻紅

長干舊里舊王孫
鬢詩成到白門
莫向燕姬論顏色

流波猶有未消魂

流波館裏但流波
曉夢時逢油壁過
不是今朝重怨別
春明青草爲誰多

夜聽琴四首

沈聖岐

月白霜寒夜欲沉
美人高燭映琴心
不知堂上秋風起
半是瀟湘雲水音

翠殘香鼎燭疑紅
起視閑庭霜月空
未合清音轉嘹唳
玉人環佩正秋風

千門河漢夜雲收
風起高堂燭艷流
直是并梧心不死

聲聲還泣漢官秋

嚴城盡角映悲笳
堂上尊殘片月斜
爲聽佳人清絕處
一溪烟水半梅花

吳興藝文補卷五十九終